

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće**

Broj: 01/1-11-Z/21
Kakanj, 28.10.2021. godine

Z A P I S N I K

**sa 11. redovne sjednice Općinskog vijeća održane 28.10.2021. godine (četvrtak)
u sali Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine 11. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Edin Aliefendić, Aldin Šljivo, Safet Šahman, Mejrema Purišević, Namir Talić, Mediha Mamela, Omer Musić, Nerma Aliefendić, Elvir Delibašić, Izudin Puščul, Izudin Hrusto i Džemal Bečirhodžić (naknadno pristupio) (**SDA**)

Ahmed Begić, Eldin Mijoč, Miroslav Spasojević i Vinka Aletović (**SDP BiH**)

Mirsad Tursum, Sabit Čehajić, Zerina Kovač i Fakir Ajdinović (**S BiH**)

Dževdet Huskić, Behija Kulović i Branko Češljić (**NS**)

Mugdin Gorak i Enver Merdić (naknadno pristupio) (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić (naknadno pristupio) - **nacionalnih manjina**

Odsutni vijećnici: Nedim Mušija (**SDA**), Ahmed Begić i Vinka Aletović (**SDP BiH**)

Predsjedavajući je konstatovao da je na sjednici u momentu prijave prisutno 25 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Mirnes Bajtarević, općinski načelnik

Ferdo Mijač, sekretar Općinskog vijeća

Enver Kusić, sekretar općinskog organa uprave

Džihad Berbić, pomoćnik općinskog načelnika za finansije

Mirza Fazlić, pomoćnik općinskog načelnika za privredu, urbanizam i zaštitu okoline

Nurudin Hrusto, pomoćnik općinskog načelnika za civilnu zaštitu

Bahrudin Arnaut, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

Rešad Zaimović, pomoćnik načelnika za društvene djelatnosti, boračka pitanja, raseljena lica, izbjeglice i povratnike

Nurčo Kurtović, pomoćnik općinskog načelnika za imovinskopravne, geodetske poslove i katastar nekretnina

Zijad Neimarlija, direktor Zavoda za planiranje i izgradnju općine Kakanj

Izvjestiocici, obradivači, gosti:

Munevera Šehić i Helmina Murtić, članica UO i direktorica JU za predškolski odgoj i obrazovanje „Mladost“ Kakanj

Predstavnici medija:

NTV IC Kakanj
Radio Kakanj
Kakanj Info

Napomene o radu Kolegija Općinskog vijeća:

U pripremi 11. redovne sjednice Općinskoga vijeća, Kolegij Općinskog vijeća je 20.10.2021. godine, održao sjednicu na kojoj je razmatrao:

a) Vijećnička inicijativa vijećnika Huskića u vezi mjesecne konferencije za medije

Nakon diskusije u kojoj su učestvovali: Huskić, Alefendić, Katičić i Tursum, navedena inicijativa je primljena k znanju, a Kolegij nije postigao konsenzus da istu uputi Vijeću na izjašnjavanje.

b) Molba „Ta-trans“ d.o.o. Kakanj u vezi javnog poziva Općine Kakanj

Molbu „Ta-trans“ d.o.o. Kakanj Kolegij Općinskog vijeća je proslijedio Službi za privredu, urbanizam i zaštitu okoliša na dalje razmatranje i postupanje.

c) Dostava prijedloga za Program rada Skupštine za 2022. godinu

Kolegij Općinskog vijeća je navedeni dopis proslijedio svim vijećnicima u Općinskom vijeću Kakanj, kao i političkim partijama kako bi, ukoliko imaju neke prijedloge, mišljenja i sugestije iste mogli dostaviti za eventualno uvrštanje u Program rada Skupštine ZDK.

d) Odgovor Zavoda za planiranje i izgradnju u vezi zahtjeva Willona d.o.o. Sarajevo

Kolegij nije postigao konsenzus u vezi predmetne predstavke.

e) Odgovor Civilne zaštite na Zaključak Općinskog vijeća 01/1-9-K-322/21 od 19/09/2021

Odgovor je Kolegij primio k znanju.

f) Odgovor JU Dom zdravlja u vezi lokalnog vodovoda Jazenac

Odgovor je Kolegij primio k znanju.

g) Odgovor na Informaciju i prijedlog o trasi željezničkog transporta „Trstionica“

Odgovor je Kolegij proslijedio općinskom načelniku, Službi za imovinskopravne, geodetske poslove i katastar nekretnina i Općinskom pravobranilaštvu da se očituju u vezi navoda kako bi se sa RMU Kakanj moglo ići dalje sa realizacijom.

h) Odgovor JP „Vodokom“ d.o.o u vezi lokalnog vodovoda Jazenac

Odgovor je Kolegij primio k znanju.

Usvajanje zapisnika sa 10. redovne sjednice Općinskog vijeća:

Nije bilo primjedbi na zapisnik sa 10. redovne sjednice Općinskog vijeća i isti je usvojen jednoglasno sa 22 glasa ZA.

Komentari na dostavljene odgovore na vijećnička pitanja:

Dževdet Huskić: je rekao da je na pitanje u vezi vodosnabdjevanja svih MZ na području općine dobio djelimičan odgovor, jer je nadležna služba navela u kojim MZ je bilo otežano vodosnabdjevanje, a nije navedeno u kojima je ono bilo uredno i u kojim MZ ga nije bilo nikako. Rekao je da na isto pitanje od JP Vodokom je dobio odgovor koji se ne odnosi na postavljeno pitanje, dok od predsjednika MZ nije nikako dobio odgovor. S toga je tražio da se odgovori dopune u dijelu gdje nije dobio odgovor na traženo.

Armin Bašić: je komentarisao odgovor na pitanje u vezi adresnog registra koji je dobio od Zavoda gdje se navodi da ne postoji rok za uspostavu adresnog registra obzirom da je u pitanju kompleksan posao. Smatra da se ne radi o kompleksnom poslu ukoliko ga rade stručna lica u skladu s propisima. Rekao je da u odgovoru još stoji da je izvođač uradio predloške sa nazivima ulica i brojevima na nivou izvedbenog projekta, što smatra pogrešnim, obzirom da se to nije moglo raditi bez završenog glavnog projekta. Na kraju je rekao da je u pitanju nepropisna uspostava adresnog registra od kojeg građani nemaju nikakve koristi, već samo probleme.

Branko Češljić: je rekao da je dobio polovičan odgovor na pitanje u vezi korištenja vodenih topova na deponiji uglja u Čatićima, za koji smatra da je uopšten i da mještani naselja Čatići nisu vidjeli nikakve efekte od korištenja istih tokom ljeta i perioda suše.

Komentari na dostavljena mišljenja na vijećničke inicijative:

Behija Kulović: je komentarisala odgovor na vijećničku inicijativu u vezi stipendije za izvrsnost u kojem stoji da Općina na izradi programa po kojem će nadareni učenici i studenti svake godine dobijati nagradu. Smatra da taj program ne podrazumjeva predloženu inicijativu za uvođenje stipendije za izvrsnost obzirom da izvrsnost ne podrazumjeva samo odličan uspjeh u školi, već način na koji se pristupa učenju i usavršavanju. Rekla je da izvrsnost nije cilj, nego stav, te da bi jedan od kriterija izvrsnosti trebao da bude davanje maksimuma u oblasti kojom se neko lice bavi i stiče znanje, kroz stalno usavršavanje i edukaciju, kako formalne, tako i neformalne prirode.

Dževdet Huskić: je u vezi odgovora na inicijativu oko edukacije mještana svih MZ o pitanju značaja čistih voda dobio odgovore od Komisije za ekologiju koja je inicijativu podržala, te odgovor od Službe za opću upravu kojim se upućuje na nadležni odsjek za realizaciju predmetne inicijative. U vezi inicijative za uređenje školskog dvorišta i igrališta u krugu OŠ Hamdija Kreševljaković nije dobio niti jedan odgovor, te je naglasio da je nedopustivo da Općinsko vijeće ima odnos nezainteresovanosti za trenutno stanje u krugu pomenute škole.

Vijećnička pitanja:

Dževdet Huskić: je postavio dva vijećnička pitanja. Prvo je u kojoj je fazi izrade Nacrta izmjena i dopuna Urbanističkog plana Kakanja 2011-2026, podsjećajući da je rok za izradu Nacrta bio august 2021. godine, javna rasprava je bila planirana za septembar, a Nacrt se trebao naći na dnevnom redu Vijeća na sjednici u novembru. U skladu s tim je tražio od nadležne službe da pojasni razloge zbog kojih je došlo do kršenja rokova. Drugo pitanje je koji je sastav alternativnih goriva koja se koriste u proizvodnom procesu Tvornice cementa Kakanj i postoji li relevantno mjerjenje zagađenja zraka u krugu tvornice tokom upotrebe RDF-a.

Armin Bašić: je postavio dva vijećnička pitanja i to prvo ko je stručno lice zaduženo za uspostavu i provođenje adresnog registra, te je tražio da mu se dostavi njegovo rješenje za obavljanje navedenih poslova. Drugo pitanje je kada je zadnji rok za početak izgradnje gradske pijace u Kakanju i ukoliko postoji mogućnost tražio je da mu se dostavi ugovor kojim je regulisan način prodaje, rokovi i način izgradnje pijace u sastavu objekta koji se namjerava graditi na prodatom zemljištu trenutne gradske pijace.

Behija Kulović: je postavila dva pitanja. Prvo je kako i na osnovu čega se može vjerodostojno prihvatiti indeks kvaliteta zraka koji se objavljuje na gradskim displejima ako se vrlo često ne mjeri prisutnost svih polutanata u zraku, posebno SO₂ i PM 2,5, te zašto mjerne stanica koja šalje podatke FHMZ ne šalje uvijek kompletne podatke potrebne za procjenu indeksa kvaliteta zraka i da li to znači da nije ispravna. Drugo je koliko iznose dodatni troškovi, te koja je vrijednost dodatnih iznosa poreza i doprinosa u zadnjih pet godina za zaposlenike Općine Kakanj koji su ostvarili naknadu koja nema karakter prihoda od nesamostalne djelatnosti.

Mejrema Purišević: je postavila dva pitanja. Prvo je postoji li program ranog otkrivanja karcinoma dojke kod žena, kao jednog od najčešćih oblika karcinoma kad su žene u pitanju i drugo postoji li registar oboljelih od karcinoma na nivou kantona.

Safet Šahman: je postavio dva pitanja. Prvo je zašto sporo teku radovi nasipanja za planiranu dionicu puta kod tunela Ribnica, te zašto se jalovina odlaže na drugi dio platoa i kada se planira pustiti dionica koja je nedavno sagrađena, a drugo je ko je zadužen za održavanje dionice puta kamenolom Trgošped – kamenolom Cementare Kakanj.

Branko Češljić: je postavio dva vijećnička pitanja. Prvo je zašto je naglo bagerima uništen drvored u Ulici branilaca uz rijeku Zgošću, s obzirom da stabla nisu toliko stara i kojim stablima se trebaju zamijeniti, a drugo pitanje je zašto se ne koristi sistem za kvašenje uglja pri njegovom odlaganju za vrijeme sušnog perioda i zašto visina uglja prelazi visinu zida, posebno na dijelu depoa koji je najbliži naselju Čatići, te za koliko godina će šumski i vjetrozaštitni pojas stvarno štititi naselje Čatići od prašine.

Nerma Aliefendić: je postavila vijećničko pitanje da li na području općine Kakanj postoje dječija igrališta koja su inkluzivna, odnosno opremljena mobilijarom koji je prilagođen za djecu sa poteškoćama u razvoju.

Predsjedavajući je konstatovao da su vijećnici Fakir Ajdinović i Eldin Mijoč postavili vijećničko pitanje bez korištenja govornice.

Fakir Ajdinović: je postavio vijećničko pitanje na koji način se vrši kontrola saobraćaja na putnoj komunikaciji Kakanj – Ponijeri, posebno u vrijeme sezone kada je povećana frekvencija saobraćaja na tom putnom pravcu, a učesnici u saobraćaju se u dovoljnoj mjeri ne pridržavaju saobraćajnih propisa, te svojim postupcima ugrožavaju druge učesnike u saobraćaju, kao i stanovnike naseljenih mjesta.

Eldin Mijoč: je postavio vijećničko pitanje po čijem nalogu je vršeno i koji su stvari razlozi uništavanja (razaranja) stabala na desnoj obali rijeke Zgošće na dionici od zgrade Općine do zgrade Elektro Kakanj, te šta je planirano dalje da se radi na toj lokaciji

Vijećničke inicijative:

Izudin Hrusto: je pokrenuo vijećničku inicijativu za izradu kreativnih spotova o turističkim potencijalima općine Kakanj, zatim izrada brošura i letaka, suvenira i kataloga turističkih znamenitosti na području općine Kakanj.

Dževdet Huskić: je pokrenuo dvije vijećničke inicijative. Prva da se uključi Zavod za planiranje i izgradnju općine Kakanj u trezor, te da se sredstva za rad i vršenje poslova Zavoda, putem nadležne službe, uključe u Budžet kao organizacionu jedinicu (budžetskog korisnika). Druga je za hitno pristupanje izmjenama i dopunama kriterija u okviru postojeće Odluke o sufinansiranju boravka djece u vrtićima. Ovo iz razloga jer smatra da prema važećim kriterijima vrlo mali broj roditelja će ostvariti pravo na bilo kakav vid subvencije, te smatra da važeća Odluka sadrži stavke koje dodatno opterećuju budžet roditelja kroz samo apliciranje za subvenciju, a što bi se moglo zamijeniti ugovorom koju su roditelji već potpisali sa predškolskom ustanovom. Osim toga, mišljenja je da je zanemareno da roditelji djece koja pohađaju vrtiće imaju konstantne mjesечne troškove kroz učešće u nabavci pelena, ubrusa, vlažnih maramica, olovaka, bojica, papira i dr., a što je sve trebalo uzeti u obzir prilikom formiranja cijene boravka djece u vrtićima, kao i prilikom izrade kriterija za subvencioniranje boravka djece u vrtićima.

Edin Aliefendić: je pokrenuo dvije vijećničke inicijative. Prva je da se pokuša naći pogodna lokacija za izradu i obilježavanje pješačkog prelaza kod objekata „Lašva ČS“ i motel „Tiron“ u Ulici 311. luhke brigade, a sve u cilju veće sigurnosti pješaka. Druga inicijativa je da se u programima utroška namjenskih sredstava za 2022. godinu, planiraju sredstva za izgradnju parkinga i rekonstrukciju ceste u ulici 309. brdske brigade na potezu od zgrade JU „Centar za socijalni rad“ Kakanj do objekta Pokopnog društva „Zgošća“ Kakanj. Ovo iz razloga što je cesta u jako lošem stanju sa puno udarnih rupa, a uz to u tom dijelu grada je izgrađeno nekoliko novih stambeno-poslovnih zgrada što je dovelo do manjka parking prostora, te se predlaže provjera mogućnosti izgradnje parking prostora ispod pomenute ceste, na način kako je to urađeno iznad OŠ Mula Mustafa Bašeskija.

Safet Šahman: je pokrenuo inicijativu da se u Budžetu Općine za 2022. godinu, planiraju sredstva za proširenje trotoara na ušću rijeke Zgošće u rijeku Bosnu, te produžetak trotoara do mosta Mladih i do šetnice uz rijeku Bosnu.

Armin Bašić: je ponovio vjećničku inicijativu za postavljanje adekvatne signalizacije koja bi sprječila nezgode teretnih vozila na dionici ceste u ulici „Podvarda“, tačnije na dionici od objekta „Kaoma“ do tzv. Cementarskog mosta. Naime, potrebno je postaviti znak koji zabranjuje saobraćaj vozilima čija visina prelazi visinu slobodnog prostora ispod ovog mosta i to znak postaviti na raskrsnici kod objekta „Kaoma“ kako bi na vrijeme vozači uvidjeli zabranu i mogli blagovremeno koristiti drugi pravac, jer se trenutno u neposrednoj blizini mosta nalazi znak koji zabranjuje saobraćaj vozilima čija visina prelazi 3.5 metra, a koji ne odražava stvarnu visinu mosta jer je most visok 3.3 metra.

Nerma Aliefendić: je pokrenula vjećničku inicijativu da se u narednom periodu kreira katalog slobodnih javnih površina, te da se pozovu i fizička lica da dostave svoje prijedloge kako bi se isti ponudili privrednicima. Cilj inicijative je da se dodatno olakša rad i razvoj privrednih subjekata sa područja općine Kakanj i šire, a u tom cilju je potrebno privrednicima ponuditi katalog slobodnih javnih površina na kojima bi mogli osnovati ili proširiti svoju postojeću djelatnost i čime bi se stvorili dodatni uslovi za privredni razvoj i zapošljavanje.

Omer Musić: je pokrenuo dvije vjećničke inicijative. Prva je da se izvrši sanacija dijela puta koji ide iz Ulice branilaca prema naselju Varda, između stambenog objekta „Sunce“ i zgrade Elektrodistribucije Kakanj u dužini cca 15 metara. Druga inicijativa je da se u Budžetu Općine Kakanj za 2022. godinu, planiraju sredstva za sanaciju i rekonstrukciju pomoćnog terena (plastična podloga) FK „Rudar“ Kakanj, na kojem treniraju djeca, obzirom da je trenutni pomoćni teren neuslovan, nekoliko puta je rekonstruisan i dotrajao je. Također, smatra da u saradnji sa višim nivoima vlasti, kao i sa domaćim privrednim subjektima, te donatorima, u Kakanju treba pokrenuti aktivnosti oko izgradnje pomoćnog terena (pravih dimenzija), koji je lociran do naselja Varda, kako bi na istom i prvi tim mogao igrati u toku cijele godine, nagasivši da u periodu zimskih priprema prvi tim svakodnevno ide na terene u druge gradove kako bi obavljao pripremna treniranja i utakmice čime se stvaraju nemali troškovi.

Izudin Puščul: je ponovio vjećničku inicijativu za čišćenje i okresavanje grmlja i drveća od naplatnih kućica u Kakanju do benzinske pumpe „Trgošped“, u cestovnom pojasu regionalne ceste, a u skladu sa Zakonom o cestama Federacije BiH.

Behija Kulović: je pokrenula dvije vjećničke inicijative. Prva se odnosi na ugradnju sistema za rekuperaciju zraka unutarnjeg prostora u JU „Mladost“ Kakanj, s ciljem da se u toj JU osigura optimalna ventilacija i čišći zrak za najmlađe, dok se očekuje da viši nivoi vlasti sistemski počnu rješavati taj problem u osnovnim i srednjim školama u ZDK. Druga se odnosi na odvoz smeća iz dvorišta područne OŠ „15. april“ u naselju Termoelektrana, obzirom da je prije nekoliko mjeseci zamijenjen krov na zgradi škole, a velika količina smeća i otpada je ostala u školskom dvorištu. Značajan dio tog otpada odnosi se na ostatke azbestnih, salonitnih ploča kojima je školska zgrada bila pokrivena, a pozanto je da je po zdravlje ljudi posebno opasna kancerogena prašina koja se isijava i izljeva iz polomljenih ostataka azbestnih ploča.

Mediha Mamela: je podnijela inicijativu za angažovanje policijskih službenika PS Kakanj subotom kod zelene pijace koji bi regulisali saobraćaj. Naime, subotom kad je pijačni dan, nesavjesni vozači zaustavljaju i parkiraju vozila na saobraćajnim trakama, dok drugi učesnici zaobilaze ta vozila, te se time ugrožavaju drugi učesnici u saobraćaju i pješaci.

Mejrema Purišević: je pokrenula dvije vjećničke inicijative. Prva je za nadogradnju (asfaltiranje) regionalne ceste R-466 Kakanj – Kraljeva Sutjeska, na dionici puta Nažbilj – Lipnica – Ponjeri. Razlog za inicijativu je što nedostatak adekvatnog puta na ovoj dionici utiče na slabu komunikaciju sa gradom što vodi ka iseljavanju stanovištva sa tog područja. Uz to povećan je rizik od saobraćajnih nezgoda uslijed nepostojanja cestovne infrastrukture, kao i sistema za odvodnju oborinskih voda. Druga inicijativa se odnosi na uspostavu plana odvoza kabastog otpada. Smatra da bi se planom odvoza kabastog otpada poboljšala ekološka slika grada i smanjio rizik zagađenja uzrokovanog divljim deponijama.

Branko Češljić: je pokrenuo dvije vjećničke inicijative. Prva je za izradu strategije zapošljavanja i prekvalifikacije mladih na području općine u namjeri sprječavanja odlaska domaće mlade radne snage s ovih prostora, jer smatra da svi radno sposobni ne mogu raditi u izumirućim industrijskim postrojenjima na području općine, niti kod poslijeratnih privatnika. S toga je neophodno imati uvid koji zanati i struke

trebaju privredi na području općine. Druga je da se što prije popravi 40-tak rasvjetnih tijela između Čatića i Kraljeve Sutjeske, jer je trenutno stanje takvo da je više neispravnih nego ispravnih sijalica.

Predsjedavajući je konstatovao da su vijećnici Sabit Čehajić, Džemal Bečirhodžić, Fakir Ajdinović, Elvir Delibašić i Namir Talić podnijeli vijećničke inicijative bez korištenja govornice.

Sabit Čehajić: je pokrenuo dvije vijećničke inicijative. Prva je da nadležne općinske službe u što kraćem roku otklone nedostatke kako ne bi došlo do zabrane rada i polaganja vozačkih ispita na području općine Kakanj. Naime, u skladu sa važećim odredbama Pravilnika o načinu i uvjetima organizovanja ispita za vozače motornih vozila, te zbog najave novih propisa i dodatnih uslova od strane Ministarstva prometa i komunikacije BiH, općina Kakanj bi mogla da izgubi status ispitnog mjesto što bi dovelo do zabrane rada auto-škola. Druga je inicijativa da se zbog blata i neravnog terena vrši redovna sanacija puta u vidu nasipanja šljunka na dionici od „Poleta“ do firme „Willona“, na kojoj se trenutno izvode radovi. Razlog za inicijativu je što je dionica veoma frekventna (jedina cesta za odvoz smeća na deponiju), te što istom svakodnevno prođe veliki broj učenika i građana koji idu na posao ili školu.

Džemal Bečirhodžić: je pokrenuo inicijativu da se razmotri mogućnost i pokuša pronaći i uspostaviti jedinstveno mjesto za plaćanje komunalnih usluga kao i naknada prema Zavodu za planiranje i izgradnju općine Kakanj, a sve u cilju bolje organizacije i pomoći građanima radi manjeg hodanja i efikasnijeg rada i naplate usluga.

Fakir Ajdinović: je pokrenuo inicijativu za asfaltiranje površine između zgrade JU „Centar za socijalni rad“ Kakanj i dionice puta ulice 309. brdske brigade, za potrebe parkiranja motornih vozila, a samim tim i rješavanje neurednih šahtova postavljenih od strane JP „Vodokom“ i JP „Grijanje“ Kakanj.

Elvir Delibašić: je pokrenuo inicijativu da se od strane RMU „Kakanj“ dostavi spisak svih neperspektivnih površina kako bi se našli pravi modeli za stavljanje istih u funkciju privrede (poslovne zone), radi stvaranja nove vrijednosti ili za dobrobit svih građana (rekreativne zone, poligoni, bazeni, staze za šetanje i drugo).

Namir Talić: je pokrenuo dvije vijećničke inicijative. Prva je da se u Budžetu Općine za 2022. godinu, planiraju sredstva u iznosu od 50.000,00 KM za proširenje kapaciteta vode za MZ Brnj, vodovod Paočine. Razlog za inicijativu je što vodovod Paočine ima 130 korisnika i javila se potreba da se pojača dotok vode kako bi svi korisnici mogli bez problema koristiti vodu za svoje potrebe, obzirom da za vrijeme suše voda znatno umanji kapacitet vode, te se javljaju veliki problemi u snabdijevanju. Druga inicijativa je da se u užem dijelu grada trotoari prilagode potrebama invalidnih lica. Inicijativa se podnosi zbog činjenice da u gradu ima veliki broj lica koja koriste kolica za kretanje. Radi lakšeg i bezbjednijeg kretanja invalidnih lica, potrebno je trotoare prilagoditi da se bez problema invalidno lice može samostalno kretati trotoarima.

Utvrđivanje dnevnog reda:

Predsjedavajući je za 11. redovnu sjednicu predložio dnevni red koji je usaglašen na sjednici Kolegija od 20.10.2021. godine.

U raspravi o dnevnom redu je učestvovao Edin Aliefendić.

Edin Aliefendić: je rekao da je Komisija za izbor u regulirane organe kasno završila proceduru oko prijedloga rang liste uspješnih kandidata za imenovanja u skupštine JP i nije htjela dostavljati vijećnicima na klupe materijal, nego se odlučila za narednu sjednicu predložiti prijedlog. U svojstvu predsjednika Komisije za izbor i imenovanje predložio je da se tačke koje se tiču imenovanja skupština JP preinače u privremeno imenovanje kako bi se postojećim skupštinama JP produžio mandat do iduće sjednice, te je predložio da se uz tačku 9. „Prijedlog rješenja o razrješenju Delile Rajkić, predsjednice UO JU „Gradska biblioteka“ Kakanj – na lični zahtjev“, doda i privremeno imenovanje predsjednice UO JU „Gradska biblioteka“ Kakanj.

Kako nije bilo primjedbi na predloženi dnevni red isti je usvojen sa 24 glasa ZA, bez glasova PROTIV i 2 glasa UZDRŽAN.

Usvojeni dnevni red:

1. Prijedlog odluke o načinu i uslovima raspolaaganja nekretninom - prodaji neposrednom pogodbom građevinskog zemljišta u Kakanju
2. Prijedlog odluke o davanju na privremeno korištenje poslovnog prostora Udruženju antifašista i boraca NOR-a općine Kakanj
3. Prijedlog rješenja o utvrđivanju prava vlasništva u korist Irniza Musića iz Kakanja na građevinskom zemljištu
4. Izvještaj o realizaciji Godišnjeg programa rada JU za predškolski odgoj i obrazovanje „Mladost“ Kakanj za školsku 2020/21
5. Godišnji program rada JU za predškolski odgoj i obrazovanje „Mladost“ Kakanj za školsku 2021/22
6. Prijedlog rješenja o imenovanju Konkursne komisije za provođenje konkursne procedure za članove UO JU za predškolski odgoj i obrazovanje „Mladost“ Kakanj
7. Prijedlog rješenja o privremenom imenovanju predsjednika i članova Skupštine JP „Vodokom“ d.o.o Kakanj
8. Prijedlog rješenja o privremenom imenovanju predsjednika i članova Skupštine JP „Grijanje“ d.o.o Kakanj
9. Prijedlog rješenja o razrješenju Delile Rajkić, predsjednice UO JU „Gradska biblioteka“ Kakanj – na lični zahtjev i privremeno imenovanje predsjednice UO JU „Gradska biblioteka“ Kakanj

1. Prijedlog odluke o načinu i uslovima raspolaaganja nekretninom - prodaji neposrednom pogodbom građevinskog zemljišta u Kakanju

Predlačač: Općinski načelnik

Obradivač: Služba za imovinskopravne, geodetske poslove i katastar nekretnina

Izvjestilac: Nurčo Kurtović, pomoćnik općinskog načelnika

U diskusiji nije niko učetvovao i Vijeće je jednoglasno sa 25 glasova ZA usvojilo Odluku o načinu i uslovima raspolaaganja nekretninom - prodaji neposrednom pogodbom građevinskog zemljišta u Kakanju.

2. Prijedlog odluke o davanju na privremeno korištenje poslovnog prostora Udruženju antifašista i boraca NOR-a općine Kakanj

Predlačač: Općinski načelnik

Obradivač: Služba za imovinskopravne, geodetske poslove i katastar nekretnina

Izvjestilac: Nurčo Kurtović, pomoćnik općinskog načelnika

U diskusiji nije niko učetvovao i Vijeće je jednoglasno sa 23 glasa ZA usvojilo Odluku o davanju na privremeno korištenje poslovnog prostora Udruženju antifašista i boraca NOR-a općine Kakanj.

3. Prijedlog rješenja o utvrđivanju prava vlasništva u korist Irniza Musića iz Kakanja na građevinskom zemljištu

Predlačač: Općinski načelnik

Obradivač: Služba za imovinskopravne, geodetske poslove i katastar nekretnina

Izvjestilac: Nurčo Kurtović, pomoćnik općinskog načelnika

U diskusiji nije niko učetvovao i Vijeće je usvojilo Rješenje o utvrđivanju prava vlasništva u korist Irniza Musića iz Kakanja na građevinskom zemljištu, sa 23 glasa ZA, bez glasova PROTIV i 1 glas UZDRŽAN.

4. Izvještaj o realizaciji Godišnjeg programa rada JU za predškolski odgoj i obrazovanje „Mladost“ Kakanj za školsku 2020/21

Predlačač: UO JU za predškolski odgoj i obrazovanje „Mladost“ Kakanj

Obradivač: UO JU za predškolski odgoj i obrazovanje „Mladost“ Kakanj

Izvjestilac: Helmina Murtić, direktorica JU i Munevera Šehić, članica UO JU za predškolski odgoj i obrazovanje „Mladost“ Kakanj

U diskusiji nije niko učestvovao i Vijeće je jednoglasno sa 24 glasa ZA usvojilo Zaključak o prihvatanju Izvještaja o realizaciji Godišnjeg programa rada JU za predškolski odgoj i obrazovanje „Mladost“ Kakanj za školsku 2020/21.

5. Godišnji program rada JU za predškolski odgoj i obrazovanje „Mladost“ Kakanj za školsku 2021/22

Predlačač: UO JU za predškolski odgoj i obrazovanje „Mladost“ Kakanj

Obradivač: UO JU za predškolski odgoj i obrazovanje „Mladost“ Kakanj

Izvjestilac: Helmina Murtić, direktorica JU i Munevera Šehić, članica UO JU za predškolski odgoj i obrazovanje „Mladost“ Kakanj

U diskusiji je učestvovala Behija Kulović.

Behija Kulović: je pohvalila rad uposlenika JU Mladost, posebno angažman i rad odgajateljica gdje do punog izražaja dolazi njihova stručnost. Smatra da JU oskudjeva sa didaktičkim materijalom i predlaže da se budžetom Općine predvide sredstva za nabavku najmodernijeg didaktičkog materijala, kako bi odgojno-obrazovni rezultati u JU bili još bilji, a boravak djece još ugodniji.

Nakon diskusije Vijeće je jednoglasno sa 24 glasa ZA usvojilo Zaključak o prihvatanju Godišnjeg program rada JU za predškolski odgoj i obrazovanje „Mladost“ Kakanj za školsku 2021/22.

6. Prijedlog rješenja o imenovanju Konkursne komisije za sprovođenje konkursne procedure za članove UO JU za predškolski odgoj i obrazovanje „Mladost“ Kakanj

Predlačač: Komisija za izbor i imenovanje

Obradivač: Stručna služba za poslove Općinskog vijeća

Izvjestilac: Edin Aliefendić, predsjednik Komisije

Mujo Fafulić: je u svojstvu zamjenika predsjednika Komisije za izbor i imenovanja predložio Edina Aliefendića za člana Konkursne komisije za sprovođenje konkursne procedure za članove UO JU za predškolski odgoj i obrazovanje „Mladost“ Kakanj ispred Osnivača, pored ranije predloženih ispred Vijeća roditelja Albine Jašarspahić i Naide Pašalić – ispred uposlenika JU.

U diskusiji nije niko učestvovao i Vijeće je usvojilo Rješenje o imenovanju Konkursne komisije za sprovođenje konkursne procedure za članove UO JU za predškolski odgoj i obrazovanje „Mladost“ Kakanj, u sastavu: Edin Aliefendić – ispred Osnivača, Albina Jašarspahić – ispred Vijeća roditelja i Naida Pašalić – ispred uposlenika JU, sa 18 glasova ZA, 1 glas PROTIV i 6 glasova UZDRŽAN.

7. Prijedlog rješenja o privremenom imenovanju predsjednika i članova Skupštine JP „Vodokom“ d.o.o Kakanj

Predlačač: Komisija za izbor i imenovanje

Obradivač: Stručna služba za poslove Općinskog vijeća

Izvjestilac: Edin Aliefendić, predsjednik Komisije

Edin Aliefendić: je ispred Komisije za izbor i imenovanja predložio da se aktuelnom sazivu Skupštine JP „Vodokom“ d.o.o. Kakanj, produži mandat privremeno do okončanja konkursne procedure za konačno imenovanje.

U diskusiji je učestvovao Dževdet Huskić.

Dževdet Huskić: je apelovao da se pokuša povesti računa o periodu isteka mandata u organima gdje Vijeće imenuje članove, odnosno da se konkursne procedure pokrenu navrijeme kako ne bi dolazili u situacije da se imenuju privremeni članovi organa u JU i JP gdje je Općina osnivač.

Nakon diskusije Vijeće je sa sa 18 glasova ZA, 1 glas PROTIV i 7 glasova UZDRŽAN, usvojilo Rješenje o privremenom imenovanju Skupštine JP „Vodokom“ d.o.o Kakanj, do okončanja procedure javnog oglasa, a najduže do 3 mjeseca u sastavu: Magbula Ganić, Fahrudin Topalović, Aida Silajdžić, Nataša Šarić i Adnan Husika.

8. Prijedlog rješenja o privremenom imenovanju predsjednika i članova Skupštine JP „Grijanje“ d.o.o Kakanj

Predlačač: Komisija za izbor i imenovanje

Obradivač: Stručna služba za poslove Općinskog vijeća

Izvjestilac: Edin Aliefendić, predsjednik Komisije

Edin Aliefendić: je ispred Komisije za izbor i imenovanja predložio da se aktuelnom sazivu Skupštine JP „Grijanje“ d.o.o. Kakanj, produži mandat privremeno do okončanja konkursne procedure za konačno imenovanje.

U diskusiji nije niko učestvovao i Vijeće je sa sa 18 glasova ZA, 2 glasa PROTIV i 6 glasova UZDRŽAN, usvojilo Rješenje o privremenom imenovanju Skupštine JP „Grijanje“ d.o.o Kakanj, do okončanja procedure javnog oglasa, a najduže do 3 mjeseca u sastavu: Jasenko Beus, Elmir Škulj i Amel Gačić.

9. Prijedlog rješenja o razrješenju Delile Rajkić, predsjednice UO JU „Gradska biblioteka“ Kakanj – na lični zahtjev i privremeno imenovanje predsjednice UO JU „Gradska biblioteka“ Kakanj

Predlačač: Komisija za izbor i imenovanje

Obradivač: Stručna služba za poslove Općinskog vijeća

Izvjestilac: Edin Aliefendić, predsjednik Komisije

Edin Aliefendić: je ispred Komisije za izbor i imenovanje predložio da se za predsjednicu UO JU „Gradska biblioteka“ Kakanj, privremeno do okončanja konkursne procedure imenuje Sanda Hasagić-Terzić.

U diskusiji je učestvovao Dževdet Huskić.

Dževdet Huskić: je rekao da podržava imenovanje predložene osobe na upražnjenu poziciju, ali je pitao zašto se ista predlaže na tu poziciju, odnosno šta je kvalificira za imenovanje.

Edin Aliefendić (odgovor): je rekao da je Komisija predložila imenovanu kandidatkinju iz razlog ašto je polaznica doktorskog studija iz oblasti istorije, te su smatrali da je najpozvanija da bude predložena za aktuelno imenovanje.

Nakon diskusije Vijeće je sa 21 glasom ZA, bez glasova PROTIV i 2 glasa UZDRŽAN donijelo Rješenje o razrješenju Delile Rajkić, predsjednice UO JU „Gradska biblioteka“ Kakanj – na lični zahtjev, te sa 20 glasova ZA, 2 glasa PROTIV i 3 glasa UZDRŽAN, Rješenje o privremenom imenovanju Sande Hasagić-Terzić za predsjednicu UO JU „Gradska biblioteka“ Kakanj, do okončanja procedure javnog oglasa, a najduže do 3 mjeseca.

Predsjedavajući se zahvalio prisutnim i zaključio rad 11. redovne sjednice Općinskog vijeća u 10:35 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić